



Broj: 150-15-4-950-9 /22 SAK
Sarajevo, 22.06. 2022. godine

Na osnovu člana 70. stav (1) i (3) i člana 72. stav (3) tačka a) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

O D L U K U
o izboru drugorangiranog ponuđača u postupku javne nabavke usluga čišćenja objekta Filijale Centralne banke Bosne i Hercegovine na Palama

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga čišćenja objekta Filijale Centralne banke Bosne i Hercegovine na Palama, putem pregovaračkog postupka sa objavom obavještenja o nabavci, dodjeljuje drugorangiranom ponuđaču Uslužna djelatnost „Čisto“ Snežana Manigoda s.p. Istočno Novo Sarajevo, na period do 31.12.2022. godine, u svemu prema konačnoj ponudi broj: 154/22 i Izvještaju o toku i završetku e - aukcije.

Član 2.

(1) Prema Izvještaju o toku i završetku e – aukcije konačna ponuda ponuđača iz člana 1. ove odluke, glasi na iznos od

5.389,69 KM bez PDV-a

(slovima: pethiljadatristotineosamdesetdevet konvertibilnih maraka i 69/100).

(2) Ponuđač nije u sistemu PDV-a.

Član 3.

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Filijala Centralne banke Bosne i Hercegovine na Palama (u daljem tekstu: Filijala Pale).

(2) Stavlja se van snage Odluka o izboru najpovoljnijeg ponuđača, broj: 150-15-4-950-7/22 SAK od 30.05.2022. godine, jer je izabrani ponuđač zakasnio sa dostavljanjem originala ili ovjerenih kopija dokumenata iz člana 45. Zakona o javnim nabavkama.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Filijala Pale i Odjeljenje za računovodstvo i finansije Centralnog ureda Centralne banke Bosne i Hercegovine.



Član 6.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka nabavke ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

Obrazloženje

Postupak javne nabavke usluga čišćenja objekta Filijale Centralne banke Bosne i Hercegovine na Palama, putem otvorenog postuka, pokrenut je Odlukom, broj: 150-15-4-950-2/22 SAK od 31.03.2022.godine.

U skladu s tim, Centralna banka je 07.04.2022. godine na portalu Javnih nabavki objavila Obavještenje o nabavci broj: 1370-1-2-180-3-116/22 zajedno sa tenderskom dokumentacijom.

U predviđenom roku za dostavljanje ponuda, odnosno do 22.04.2022. godine do 10.00 sati, blagovremeno su dostavljene tri ponude ponuđača i to:

- ECOTIME d.o.o. Sarajevo,
- EUROSAN d.o.o. Mostar,
- Uslužna djelatnost „ČISTO“ Snežana Manigoda s.p. Istočno Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu pristiglih ponuda, te utvrdila da su neprihvatljive iz sljedećih razloga:

- Ponuđač Ecotime d.o.o. Sarajevo je u ponudi dostavio nacrt Okvirnog sporazuma koji nije popunjen u cijelosti. Ponuđač u članu 1. stav (1) Okvirnog sporazuma nije upisao naziv dobavljača, broj i datum ponude. U članu 4. stav (1) nije upisao cijenu ponude. Tenderskom dokumentacijom u Odjeljku C - PODACI O PONUDI, podnaslov Ponuda mora sadržavati u tački h) je traženo sljedeće: „Nacrt okvirnog sporazuma – koji je sastavni dio TD, popunjen, potpisan i ovjeren, od strane ponuđača - Aneks 6“. U istom odjeljku u tački 12 je traženo sljedeće: „Sastavni dio ove tenderske dokumentacije je Nacrt okvirnog sporazuma, u koji su uneseni osnovni elementi. Ponuđači su dužni uz ponudu dostaviti popunjen, ovjeren i potpisan nacrt okvirnog sporazuma na mjestu predviđenom za potpis istog.“ Obzirom da nacrt okvirnog sporazuma nije popunjen na način zahtjeva tenderskom dokumentacijom ponuda je ocijenjena kao neprihvatljiva.
- Ponuđač Eurosan d.o.o. Mostar je u ponudi dostavio nacrt Okvirnog sporazuma koji nije popunjen u cjelosti. Ponuđač u članu 1. stav (1) Okvirnog sporazuma nije upisao naziv dobavljača, broj i datum ponude. U članu 4. stav (1) nije upisao cijenu ponude. Tenderskom dokumentacijom u Odjeljku C - PODACI O PONUDI, podnaslov Ponuda mora sadržavati u tački h) je traženo sljedeće: „Nacrt okvirnog sporazuma – koji je sastavni dio TD, popunjen, potpisan i ovjeren, od strane ponuđača - Aneks 6“. U istom odjeljku u tački 12 je traženo sljedeće: „Sastavni dio ove tenderske dokumentacije je Nacrt okvirnog sporazuma, u koji su uneseni osnovni elementi. Ponuđači su dužni uz ponudu dostaviti popunjen, ovjeren i potpisan nacrt okvirnog sporazuma na mjestu predviđenom za potpis istog.“ Obzirom da nacrt okvirnog sporazuma nije popunjen na način zahtjeva tenderskom dokumentacijom ponuda je ocijenjena kao neprihvatljiva.
- Ponuđač Uslužna djelatnost „ČISTO“ Snežana Manigoda s.p. je u ponudi dostavio nacrt Okvirnog sporazuma koji nije popunjen u cijelosti. Ponuđač u članu 1. stav (1) Okvirnog sporazuma nije upisao naziv dobavljača, broj i datum ponude. U članu 4. stav (1) nije upisao cijenu ponude sa PDV-om. Tenderskom dokumentacijom u Odjeljku C - PODACI O PONUDI, podnaslov Ponuda mora sadržavati u tački h) je traženo sljedeće: „Nacrt okvirnog sporazuma – koji je sastavni dio TD, popunjen, potpisan i ovjeren, od strane ponuđača - Aneks 6“. U istom odjeljku u tački 12 je traženo sljedeće: „Sastavni dio ove tenderske dokumentacije je Nacrt okvirnog sporazuma, u koji su uneseni osnovni elementi. Ponuđači su dužni uz ponudu dostaviti popunjen, ovjeren i potpisan nacrt okvirnog sporazuma na mjestu predviđenom za potpis istog.“ Obzirom da nacrt okvirnog sporazuma nije popunjen na način zahtjeva tenderskom dokumentacijom ponuda je ocijenjena kao neprihvatljiva.

Obzirom da se osnovni uslovi za dodjelu ugovora nisu bitno promijenili, ugovorni organ je u skladu sa članom 20. stav (1) tačka a) Zakona o javnim nabavkama nastavio provođenje postupka putem pregovaračkog postupka sa objavom obavještenja o nabavci. Ugovorni organ je pozvao sve ponuđače koji su dostavili ponude u otvorenom postupku da otklone nedostatke u svojim ponudama i da ih učine prihvatljivim.

Prethodno navedeni ponuđači su u predviđenom roku za dostavljanje ispravljenih ponuda odnosno do 20.05.2022. godine, otklonili nedostatke i iste dostavili na način određen u Pozivu, broj: 150-15-4-950-6/22 od 17.05.2022. godine. Komisija je konstatovala da sve pristigle ponude nakon otklonjanja nedostataka zadovoljavaju sve uslove tražene tenderskom dokumentacijom, te je zakazala e – aukciju za 23.05.2022. godine u 13.30 sati u trajanju od 10 minuta. Nakon održane e – aukcije prvorangirani ponuđač je ECOTIME d.o.o. Sarajevo sa cijenom ponude od 5.384,20 KM bez PDV-a. Ugovorni organ je pozvao prvorangiranog ponuđača da dostavi konačnu ponudu – Aneks 2.

Nakon dostavljanja konačne ponude Komisija je u Zapisniku o pregledu i ocjeni ponuda, broj: 149-15-4-1040-13/22 od 26.05.2022. godine i Izvještaju o radu komisije sa preporukom, broj: 149-15-4-1040-14/22 od 26.05.2022. godine, dala preporuku da se ugovor dodijeli prvorangiranom ponuđaču ECOTIME d.o.o. Sarajevo.

Ugovorni organ je svim učesnicima u postupku, u skladu sa članom 70. stav (2) Zakona o javnim nabavkama, obavještenje i Odluka o rezultatima postupka javne nabavke dostavio elektronskim putem dana 30.05.2022. godine. Izabrani ponuđač ECOTIME je dostavio dokumentaciju iz člana 45. Zakona o javnim nabavkama dana 14.06.2022. godine, umjesto u ostavljenom roku od 5 dana od dana zaprimanja obavještenja o rezultatima postupka javne nabavke. Komisija je u svom Zapisniku, broj: 149-15-4-1040-16/22 od 16.06.2022. godine konstatovala da je izabrani ponuđač zakasnio sa dostavljanjem dokumentacije iz člana 45. Zakona o javnim nabavkama, te se shodno članu 72. stav (3) tačka a) ugovor dodjeljuje ponuđaču čija je ponuda po rang – listi nakon ponude najuspješnijeg ponuđača.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.



Dostaviti:

- guverneru;
- viceguvernerima;
- Uredu glavnog internog revizora;
- članovima komisije;
- Filijali Pale;
- Odjeljenju za računovodstvo i finansije (original);
- Odjeljenju za javne nabavke (original);
- učesnicima u postupku.